



Aqqaluaq B Egede
Inatsisartunut ilaasortaq

§ 37-imi apeqquut nr 134-imut akissuteqaat

21-07-2016
Suliap nr. 2016 - 8844

Inatsisartut suleriaasianni § 37-mi imm. 1 naapertorlugu inuussutissarsiutitigut ineriartortitsineq pillugu Naalakkersuisunut apeqquqeqarsimavitit. Apeqquutit suliasaqaarfinit akisassanngortinneqarsimapput.

Postboks 1601
3900 Nuuk
Oqarasuaat (+299) 34 50 00
All. (+299) 32 56 00
E-mail: isiin@nanoq.gl
www.nanoq.gl

Apeqquut:

- 1. Nunatsinni inuussutissarsiutinik inerisaavik, siarsaavit imminullu pilersorneq, aamma pisuussutit nunatta pissarititai aallaavigalugit inuussutissarsiornikkut siarsaaneq annertusarniarlugu Naalakkersuisut suliniuteqarsimagunik suliniut ilanngullugu nassiuusinnaavaat?**

Akissut:

Inuussutissarsiornermut, Suliffeqarnermut, Niuernermut Nunanullu Allanut Naalakkersuisoqarfimmi inuussutissarsiornermi naalakkersuinikkut sukaq tamakkiilluinnartumik nunami inuussutissarsiornikkut ineriartornerup siarsarneqarnissaanut tunngatinneqarpoq. Tamanna toqqaannartumik toqqaannanngitsumillu periutsitigut assigiinngitsorpassuartigut pisarpoq. Tamatumunnga tunngatillugu taamatut suliniarnermi pingaarnerusut kisimik eqqaaneqassapput.

Inuussutissarsiutinik ineriartortitsinermit iloriusissatigut Naalakkersuisut sulissutigat namminersortutut inuussutissarsiuteqarnissap siarsarneqarnissaa. Pingaarnerusumik inuussutissarsiutinik ineriartortitsinermit iloriusissat tassaapput takornariaqarnermut tunngatillugu iloriusissat, uuliamut aatsitassanullu tunngatillugu iloriusissat aamma Greenland Business-ip oqartussaaffigisaani inuussutissarsiutinik siarsaanikkut suliniutit.

Suliniutinit nutaarluinnarnit maannakkorpiarlu atorneqartunit taaneqarsinnaavoq immikkut aqqissuussinissamat najoqqutassiamik pilersitsineq. Aqqissuussineq annertunerpaartamigut nittartakkakkut siunnersuinermit tapersersuinermillu tunngaveqassaaq nuna tamakkerlugu ingerlatseqatigiiffinnut qulakkeerniarlugu aqqissuussinikkut periarfissat iluaqutigineqarsinnaanerat.

Ilanngullugu aamma oqaatigineqarsinnaavoq, Inuussutissarsiornermut, Suliffeqarnermut, Niuernermut Nunanullu Allanut Naalakkersuisoqarfimmit suliarineqarmat Sikumit Imermillu Annissuussinissamat periutsimik nutartikkamik nutaamillu saqqummersitsinissaq. Taamatuttaarlu Naalakkersuisoqarfimmiit

suliarineqarput ineriartortitsinissamut pilersaarutit aalajangersimasut arlallit takornariaqarnermit ineriartortitsineq, isumalluutit uumassusillit sananeqaataaniittut, suliffissuaqarnermi siunertanut erngup nukinganik iluaquteqarneq aamma inuussutissanik tunisassiornerup siuarsarneqarnissaa.

- 2. Naalackersuinikkut immineq pilersorneq, pingaartumik nunalerineq uumasuteqarnerlu eqqarsaatigalugit ullumikkut suliffiit pioreersut avataasigut nutaaliorfimmik siursaavimmilluunniit pilersitsiniarpat?**
- a. Sooq pilersitsiniartoqanngila?**
 - b. Sooq pilersitsiniarpisi?**

Akissut:

Naalackersuisut pilersaarutiginnigilaat inuussutissanik tunisassiornerinnarmut sammisumik immikkut isumassarsiornermut ineriartortitsinermullu immikkoortortamik pilersitsinissaq. Greenland Business-imit aamma pineqartumi tamatumani Namminersorlutik Oqartussat inuussutissarsiuutinik siursaaneermi suliniutaat pillugit aalajangersimasunik sulianik suliarinnittarneq isumagineqartarpoq.

Nalunaarut nr. 14, 27. juni 2016-imeersumi inatsisitigut toqqammaviliilluni periarfissiisoqarsimavoq "kalaallit inuussutissaataannik siursaaneermi aningaasartuutinik utertitsisinnaaneq.. "tapiissuteqarnissamik neriorsuummi aalajangersarneqarsimasumi, aningaasartuutit 50 procentiisa amerlaqataannik aningaasartaqartumik. Aningaasanik amerlanerpaanik 300.000 kroninik tapiissuteqartoqarsinnaavoq."

Ilanngulluguttaaq Kujataani illut ineriartortitsiviit, minkinik uumasusiviit aningaasatigut imminut akilersinnaasumik ingerlanneqarsinnaanerini periarfissat qulaajarniarlugit Naalackersuisut Københavns Universitetimi, Fødevareøkonomisk Institut-mit nalunaarusiortoqarnissaanik inniminniisimapput.

- 3. Pilersitsisoqassappat nunatsinni inoqarfinni sumi inissisimassava?**

Akissut:

Apeqqu 2-mut qulaaniittumut akissummut innersuussisoqarpoq.

Inussiarnersumik inuulluaqqusillunga
Inussiarnersumik Inuulluaqqusillunga

Vittus Qujaukitsoq